

بالجمله محررات در سعادت پوسته خانه سته
تصوف جریده سی نامه گوندولیدر.
قوطو نومروسى ۱۴۳

شرائط اشترا

سنه لکى ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

تصوف

صاحب امتیاز و سر محرری
اورفه مبعوتی
شیخ صفوت

مرکز توزیعى باب عالی جاده سنده
جمعیت کتبخانه سیدر

نسخه سی ۲۰ پاره در

التصوف کله آداب : ابو حفص عمر بن مسلمه

عرفای امتک مقالات عارفانه لرینه تصوفک صحیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله مضویه در

بو آیت کریمه نك اشارات باطنیه سنده عرفای امت :
(مایلچ فی الارض) سالكك قلبه وارد اولان معارف
ربانیه و (وما یخرج منها) مكاشفات قلبیه و (و ما نزل
من السماء) اسماء و صفات الهیه دن ترشح ایدن علوم
لدنیه و (و ما یرج فیها) كلمه طیبیه اشارت اولدیغنی
بیان بیورمشلردر .

طرق علیه رجالدندن بر ذاته مراجعتدن مقصد :
سالكك زمین استعدادینه معارف الهیه بذرلریك
اكلمسیدر . یالكز ذكر تعلمی دكلدر . زیرا بو جهت
مطالعه كتب ایلهده مبسر اوله ییلور . عبدالقادر کیلانی
قدس الله تعالی سره التورانی حضرت تری منتسین طریققلریه
خطاباً : بن سزك یالكز ظاهر کزی تربیه مأمور دكلم
بلكه اراضی قلوبكزه معرفه الله فدالری دیكمکه و آنلری
اسقا و تربیه اتمکه مأمورم تاكه بیوسون دال بوداق
و برسون برک و بارندن استفاده اولنسون بیورمشلردر .
اوت : بر انسان نفس و شیطان کی یکی عدو اکبره
مقاومت ایلهده چکندن بونلره غلبه اتمک و جلال
مواهب ربانیه دن بولان انسانیت و اسلامیت غایبه
اولان سعادت ابدیه و سلامت سرمدیه نائل اولق ایچون
طرق علیه عرض دخالت و علیه الصلوة والسلام افندمز
حضرتلریه منتهی اولان بر سلسله الذهب معنوییه ربط
انابت اتمک لازمدر سالک طریقت : انحق او معنوی
اولان قوت ، او مولوی اولان معاونت سایه سنده دشمن
اقبال و رهزن حال و استقبالی اولان نفس و شیطانه غلبه
ایدر و حق تعالی حضرتلریه کمال اطاعتله کندینی مقرب
ایلر . یعنی صراط مستقیم شریعتدن ذرجه انحراف ایلز .

قال تعالی (و هو معکم ایما کنتم) معلوم اوله که : بومعیت
معیت ذاتیه و زمانیه اولدیگی کی حلول و اتحاد طریققلهده
دكلدر . بلکه مجموع مظاهرده شمسک ضایی کی مجرد
ظهور و حضور طریققلدر . یعنی حضرت الله جمیع افعالکزه
کافه احوالکزه و اقدرد عالمدر ناظردر سناوات وارضنده
هر نه که موجود ایسه کنندی ملکیدر و هر کی اعمال صالحه
و یافاسده سی نسبتنده جز اندیرمک حق صریحیدر . بو آیت

جلیله نی بیلدکدن صوکره آحاد ناسک حضورنده افعال
قیحیه نی ارتکاب ایلهمینلر حضور اقدس باریده نه جسارتله
او افعال قیحهیه تصدی ایله بیلچکلری جدأ شایان
حیرتدر . عجباً بو کیلرلهده عاقل دینلیری ؟

حق تعالی حضر تلی : وحدت ، قدرت ، و کبریا
و عظمت کی بعض صفات الهیه سی بیان بیوردقلری
معاقب قوللری ذات اجل و اعلا سنده و رسول ذیشان
مجتبانه ایمانه یعنی انقیاد و اطاعته و انفاق مال صورتیه
محتاجنه معاونته مأمور بیورمشدر . زیرا عمل و عبادتدن
عاری اولان بر ایمانك بر قول مجردك سبب نجات اولمیه .
جنی حدیث شریفده بیان بیورمشدر كذلك وجوب ایچون
اولان امر الهی موجبجه زکات و تصدقندن امتناع ایدنلر :
اولا خالق عظیمه عاصی اوله ققلری کی حقوق نابی دخی
ابطال ایتش و بخلا صنف سافله داخل اولمش اولورلر .
بخلك ایسه بلاعذاب و لاعقاب داخل جنت اولمیه جفی
مخبر صادق علیه الصلوة والسلام افندمز حضر تلی حدیث
شریفلرلهده مع القسم بیان بیورمشلردر . (العبد و مال و لاه)
قاعده سنجه قوللرک یدتصرفنه تودیع بیورلمش اولان مال
و ثروتک کافه سی حقیقتنده حق تعالی حضرتلریه عاقد
اولغله برابر ایمان و اطاعت و انفاق مال ایله فقرا وضعفایه
معاونت ایدن اصحاب مرحمتك فضلاً و کرمأ اجر کبیر
ایله تلطف و تیشیر بیورلمش اولدقلری مواهب سنیه
الهیه دندر . لکن بو کی صفات حسنه ایله موصوف
اولمانلرک حققلرلهده بشارت اولدیغنی شویله طورسون بر
طاقم و عید ایلهده تهدید بیورلمش اولدقلری نظر اعتبار
و غیرتدن دور طریقالیدر .

قصیده فریده

طریقت علیه جلوتیه قدمای رجالدندن و اکابر اولیادن
شیخ اسماعیل حق بروسهوی قدس سره القوی حضر تلی
طرفندن چکیدۀ خامۀ بلاغت و کرامت بیوریلان و

اشیانك اصلی « آب » در دینلمسی (من الماء كل شیء حی) « کلام غزنی موجبته ظاهراً » « صو » ایله زنده اولمیش و باطناً ذات حی و قیومك زلال حیاتیله قائم بولمیش بیاندیر. « آنك » اسم اشارتی الفه یعنی مرشد کامله راجعدر .

بوصورتده مصراع اولك معناسی : « اشیانك ظاهراً اصلی ماء ابحار رحمت و باطناً آب حیات وحدت اولدینی حالد مرشد کاملك اصلی نهدر آنی اوكرن » دیمكدر . « الف » ك اصلی یدی نقطه اولدینی سوبلیمشیدی . نقطهك اصلی نه اولق لازمکیر . بو سؤال وارد خاطر اوله بیله جکندن حضرت شیخ نقطهده کی عقدینی دخی حله لزوم کوسترهرك دردنجی مصراعی سوبلیمشلردر . نقطه تعین اول و صفت و احدیتدرکه نور محمددر . بونك اصلی « موجودیت مطلقه ذاتیه اولوب » (لیس کنه شیء) در بوصورتده مقصد حضرت شیخ « ام الوجودات اولان حقیقت محمدینی اوكرن و آنك اصلندن نشهدار اول » دیمكدر .

سدره نیجه منتهی اولدی سموات اوسته بارگاه مصطفاده سر چکن طویانی صور

سموات عالم شهوددندر « سدره » دن مقصد منتهای عالم ملکوتدر . « بارگاه مصطفاه » عالم جبروت و بوراده کی طویادن مراد عالم لاهوتدر .

بو حالد محصول بیت : سموات اوزره غایه منازل سدره المنتهی اولدینی بیلدك ایسه بارگاه مصطفاه فوقنده کی طویانی دخی اوكرن دیمكدر که بالجله مقاماته شاملدر . یعنی سموات سبع طبقاتدر و ملکوت سبع منازلدن و جبروت اطوار سبعه دن و لاهوت مقامات سبعه دن عبارتدر . جمعاً حاصل اولان یکرمی سکز منزل حروف عددنیجه منازل سلوکدر (و القمر قدرناه منازل حتی عاد کالعرجون القدیم . کلام غزنی بوکا اشارتدر .

هفت دریابه نهدن تخصیص اولدی بو صور یابدی ایرماق نهدر هم جوی وهم دریایی صور

(قصیده فریده) دینمکه مشهور اولان منظومه حقایق و مجموعه دقایق اسرار و اشاراتی بیان و تفصیل ایتک اوزره شیخ رضاءالدین رمزی الرفاعی اقدی حضرت تلمی طرفندن قلمه آلتان شرح برصورتی مشارالیه تصوفه اهدا بیورمش اولدقکردن اشبو نسخه دن اعتباراً پیدرپی تشرینه مباشرت اولمشدر .

..

بر الف بول مکتب عرفانده اول بانی صور قدخیده ایلوب یای کی اندن بانی صور

البدن مقصد استقامت محضدرکه « فاستقم کما امرت » کلام جلیله ماصدق اولان مرشد کاملدن عبارتدر « الف » حرفی یدی نقطهك توحیدیه حاصل اولش بر خط موهومدر که بوده مرشدین کرامك کرک ظاهراً و کرک باطناً اطوار سبعة انسانیه دن مرورایتش بوجود ظلیدن عبارت بولمنی لزومی بیاندیر . « مکتب عرفان » درگاه سالکاندر .

« ب » دن مراد اثبیت اولی یعنی نور نبوت و ولایتدرکه قوس شهر علوم و نقطه سی باب السلامدر .

بوصورتده مصراع اولك معناسی : « بر مرشد کامل بولهرق درگاه سالکانه انتساب ایت و اول امرده اسرار نبوت و ولایتی اوكرن » دیمكدر .

« قدخیده » ایلکدن مقصد بارتقیل مجاهده نی بوکلنمك دیمكدر « قد » ك یابه تشبیهی اغناسندن کنایه ده . اساساً قندك کانه تشبیهی اولندن برو مستعمل اولان تشبیهاتنددر . « ی » یه کلنجه معلومدر که « ی » منتهای حروفدر اقصای علومه اشارتدر غایه علوم ایسه معرفه اللهدر . بوصورتده مصراع ثانینك معناسی : « مجاهده تامه ده بذل وجود درجه سه واره رق علوم اولین و آخرینی جامع اولان معرفه اللهی اوكرن » دیمكدر .

اصلی آبدر دیدیلر اشیانك آنك اصلی نه نقطهكده وارمیدر اصلی وار اول معنایی صور

اولدینچون حضرت شیخ مقام قطیبتی قاف طاغنه و قطب
الاقطابنده عنقایه تشبیه بیورمشلردر .
حقیقه عنقا اولیه موهوم برقوشدر که بولیدینی محل
تجهول و صیدی بمنته الحصولدر . مابعدی وار

ادبیات صوفیه

اجله رحال طریقت و سر آمدان ارباب معرفندن
شیخ محمود شبستری حضرتلرینک (کلشن راز) ندن
ایکینچی سؤال و جوابیدر .

سؤال

کدامین فکر کردن شرط راهست
چرا که طاعت و کاهی کناهست

جواب

در آلا فکر کردن شرط راهست
ولی در ذات حق محض کناهست

بود در ذات حق اندیشه باطل
محال محض دان تحصیل حاصل

چه آیاست روشن کشته از ذات
نکردد ذات شن اوروز آیات

همه عالم بنور اوست پیدا
کجا اوکردد از عالم هویدا

نکنجداد ز ذات اندر مظاهر
که سنجاب جلالت هست قاهر

رها کن عقل را با حق همی باش
که تاب خور ندارد چشم خفاش

هفت دریادن مراد ابشار ظاهریه دکلددر بلکه ابشار
واردات سلوکدر که بالجله آب رحمت بو دریالردن مرشد
کامله و آندن قلب سالکه نزول ایدر .

بناء علیه هفت دریا حق ایله مرشد آره سنده موجود
ابواب الهامیه ویدی ایرماق دخی مرشدایله مرید ماینده
جریان ایدن روزنه مواصلات غیبیه دنددر . یدی به حصری
مراتب سلوک نقطه نظر ندندر .

مقصد بیت : « واردات الهیه سالکینه نیچون یدی
دریادن کلور و یدی ایرماق واسطه سیله واصل اولور .
سیر و سلوک اینده بونی اوکرن » دیمکدر .

اسم اعظم صورتده دائراً مدار اولان
یعنی کیم بحر محیطه جمله اشایی ص ر

بوییت دیکرینک تمه سیدر . یعنی واردات غیبیه هفت
دریادن مرشد واسطه سیله کملکه برابر اسم اعظم صورتده
دائراً مدار اولان بحر محیط اعظم که (والله بکل شیء
محیط) سریدر . یننه هر یرده کالیله جاریدر دیمکدر که
جمع مع الترق مقامانی تعریفدر . حقیقه بحر رحمت هر
یرده ساریدر . لکن بوندن سپراب اولوق مرشد ایرماغنه
باقلاشمغه وابسته در . چونکه دریادن صو ایچمک مشکلددر .

قاف کیم قرآن ایچنده ذکر اولنور اول نهدر
هم اوقاف اوستنده پروبال آچا عنقایه صور

« ق » قرآن عظیم الشانده حروف مقطعاتدن اوله رق
ذکر بیوریلان معلوم سوره باشیدر . جناب حقت قادر
و قوم صفتلرینه اشارتدر . بوصفتلرک عالم شهوده
مظاهری قطب الاقطابدر .

قافک اوزرنده کی نقطه لر نور ذاتی ایله اضافیه رمز
درکه مقام قطیبتیه سایه دار اولمشلرددر . بو انواره نائل
اولان ذات ابوالعلمین اولور . بوکی ذوات نادرا الظهور